

衡山縣志卷四十七

陵墓志

祝融墓在衡山之陽水經注岫嶺南有祝融塚羅  
泌路史祝融氏以火施化號赤帝梁祠畫像記祝  
融葬於衡山故南嶽有赤帝峰嶽志周靈王時岫  
嶺山崩毀祝融墳得營坵九頭圖  
赫胥氏墓在南嶽朝陽降衡嶽志赫胥氏厥紀禪  
通始於潛山路史潛山卽衡嶽天柱峰仙傳拾遺  
赫胥氏尊民而重事其卒也葬於衡山之朝陽峰

衡山縣志

卷之四十七

陵墓

一

帝顓頊墓圖經云晉初衡山尙見顓頊塚有營坵

圖

唐

李勣墓相傳在衡山之沙泉據唐史英國公李勣  
薨贈太尉揚州都督謚貞武給東園秘器陪葬昭  
陵塋日高宗幸未央登樓臨送望柳車痛哭所築  
墳一准衡霍故事據此則卒於長安塋於昭陵衡  
山沙泉之墓何以稱焉考勣之子敬業討武氏兵  
敗入衡山爲僧紀聞云天寶初南嶽有老僧年九

十餘名住括者乃敬業也疑死後卽葬衡山沙泉而後人誤指爲勸墓遂以訛傳訛無能辨也

宋

胡安國墓在紫蓋鄉

趙抃墓據湖廣通志湖南通志皆云在縣六都邑舊志亦云在邑六都地名城前當時遺宇尙存

按抃浙江衢州人來遊南嶽愛城前山水之勝遂築高齋以居焉今城前清獻書院蓋當年遺址也墓未見

## 衡山縣志

卷之四十七

陵墓

二

趙棠墓在邑湘水東雷家市後上冲

按棠宋之處士曾受業於胡安國張浚帥長沙耳棠名而召之與語奇其才將薦諸朝而官之棠力辭浚不能強乃命子栻與之友其後棠之子方孫范葵皆爲宋名臣

趙方墓在邑于字十一區黃谷巖地極高峻墓後石壁鏤大字一行云宋丞相趙方墓旁小字一行云宋景定二年餘字漫漶不可識方子葵墓在湘潭八都書院橋側見一統志

陳子瑕墓在金當石茅蓬衝見邑舊志

明

茹瑞墓在巾紫峰下

按瑞官前明兵部尙書永樂間歿葬本邑當時  
制度儉樸惟亂石封樹而已

曾朝節墓在邑依田舖翁仲羊馬之屬尙有存者

按朝節官前明禮部尙書

錢邦芑墓在集賢峰集賢書院之右

按邦芑官前明都御史

## 衡山縣志

卷之四十七 陵墓

三

梁尙書不詳其名墓在白果市過江一里許道福  
寺左山內舊有碑

沈繩墓在集賢書院後官山

按繩字健菴滇南人歿於衡而葬於其衡巔末詳

高應述祭田碑記文見藝及曠大鵬刻健菴遺詩

鈔跋文見藝又經管祭田糧租邑庠生曠學沅跋

云滇南沈健菴先生余曾大父岫嶼太史同年  
友也令安仁縣後解組延席集賢書院皋比三  
載身故曾大父請於邑侯高厝書院後官山置

祭田租拾碩糧柴畝並立神龕於書院春秋祭  
享遂囑後嗣子孫有經營其事者宜矢公矢慎  
永守高令條規云

### 條規四則

一沈公神位立於書院神堂之左另設一龕每年春  
秋致祭卽煩集賢掌教主之  
一祭田每年租拾碩除充二祭並完餉外餘租若干  
祭田契內曠譚康陽四姓輪管年底造冊二一四  
姓公存一呈縣備案

## 衡山縣志

卷之四十七

陵墓

四

一祭田無庄房不另招佃卽以書院守僧認耕不須  
佃田銀每年完租拾碩外加叁碩以作修治墳塋  
朝夕香燈朔望油燭之費守僧恪恭從事一併造  
入清冊查核

一四姓皆詩禮家經管此事諒無參差日後四姓子  
姓承接輪管互相稽查更爲周帀  
田契刻祭田碑尾  
邊樂墓在本城內學宮西齋右

按邊樂字韶美明永樂丁酉科以書經中式第

二名舉人授永州東安縣儒學後任衡山訓導  
成化十五年正月歿葬本署右側乾隆己丑闔  
族共立碑記其山址後抵城垣前抵縣衙後圍  
墻左抵學宮西齋側圍墻右抵城垣爲界界內  
右邊房屋一進看守墳墓

趙子宜墓在邑又字探華冲嘉慶二十一年耕夫  
鋤地獲誌石一方誌子宜名應詵號義齋世家衡  
山曾祖檜祖焯父南湖山長城子宜嘗充全州路  
學錄調益陽慶州山長陞湖州路長興州教授衡

## 衡山縣志

卷之四十七

陵墓

五

州路教授生元前至元己卯卒後至元戊寅葬縣  
之紫蓋鄉十三都探華衝之原今俗呼探華爲炭墓不見  
仙釋塚墓詳仙釋志

義塚附

衡山邑城外義塚新舊共五所

北郭外清涼亭一所舊置

五里牌半邊街一所舊置

西郭紅茶亭一所舊置

南關外文家嶺一所舊置

北桂山一所新置

逐年淋修義塚公買本城西門內舖屋一棟逐年公收店稅作淋修義塚之費

義塚然燈置租穀六石田坐又字三區地名環溪册糧三畝八分每歲除完餉外穀給然燈人食用然燈屋一間坐清涼亭然燈人住

燈油費錢四千八百文每年於西門舖屋店稅內支給

新置義塚地並淋修然燈捐置租屋碑記

## 衡山縣志

卷之四十七 陵墓

六

衡山邑城外舊有義地四所歷年叢莖齧骸重疊深夜鬼嘯過者惕然嘉慶二十二年邑人譚承業與姚萬選劉北湘羅士元劉茂衡等糾捐銀六十餘兩於清涼亭側置屋一間高燈一盞使居是屋而掌是燈者每夜然之以照行人承業復自捐環溪田租六石給然燈人食用後又與姚萬選汪乘六鍾映日蕭鳳章羅家印蔣玉堂姚祖德等協力糾捐銀壹百五十餘兩合前所收然燈費銀共置西門舖屋一棟歲收店稅爲淋修義塚之費又於

店稅內淋修費外另支錢四千八百文爲燈汕費  
旋買北桂山山場一所增置義塚地基其後經費  
有餘又將續置義地免令叢葬者前後相疊庶鬼  
魂亦得各安其宅云其田契屋契及捐銀人姓名  
並勒碑尾  
窟塘坪義塚新舊二所在邑朝字白果市鎮嶽橋  
右頭虹飲亭側半里許其舊義塚地不知何時捐  
置雍正年間白市鎮嶽橋圯衆糾費補修凡銀錢  
出入均付市人唐武南經理橋旣完而費有餘唐

## 衡山縣志

卷之四十七

陵墓

七

遂倡衆捐貲合修橋剩銀復買窟塘坪山地一片  
置新義塚地視舊地爲加廣云  
嶽市義塚在南嶽廟前街市之東俗呼義地坪是  
也邑庶常曠敏本詩云嶽市東偏義地坪塚埋白  
骨不知名骨多地少塚無數新塚豎起舊塚平將  
舊作新人上人新鬼舊鬼夜夜鳴年年市上人哭  
送塚中人思量市上哭人者可是塚中人後身又  
敏本有崩塚詩云誰家幽塚古阡前塚中枯骨欲  
見天當時築塚豈不堅獨不見公季前脉露道邊

七二疑堆今亦穿徘徊道左發長歎骨化作泥泥亦爛

按崩塚非僅義地有之而義塚崩壞尤多往往白骨枯骸橫拋路側較詩中所云骨欲見天者更覺可悲可歎安得仁人君子見義勇爲悉爲收拾而掩藏之功德應不小也